

重刊道藏輯要

房集一

洞玄靈寶自然九天生神章經解義卷之一

清源天慶觀道士圭山董思靖著

釋經題

此經乃三洞飛玄自然之炁結成靈文超於視聽之先出乎
名言之表眾真欽奉萬聖尊崇本祕於玄都紫陽玉臺因飛
天神王憫下世陽九百六之災親禮天尊懇請宣布於是高
真得而降授塵世得而流傳也所謂洞玄靈寶者蓋三洞中
一部之名自然九天生神章者即部中一品之目三洞則洞
真洞玄洞神是也洞以虛通無外爲義玄以玄妙不測爲義

道藏輯要

九天生神玉經

一

房集一

此道本體包貫三才混融萬有而不可致詰也靈寶者表神
化之無方爲眾聖之所貴其在人也通達無礙之謂洞應感
無滯之謂玄神慧而化之謂靈炁凝而妙之謂寶自然九天
生神者自然明其體也九天示其跡也生神顯其用也其體
混成本乎無待故曰自然九者陽數始於一而究於九也天
者是理所寓之跡也生神者由天而命乎人以生神也夫神
無方體必得九天之炁然後有所寓而妙用無窮焉章者其
文燦然而成章也經者載道之名萬古常行之典也

天寶君者則太洞之尊神天寶丈人則天寶君之祖炁也

此言教跡之本洞真教主即天寶爲跡祖炁爲本祖炁即混

洞太無元高上玉皇之炁也天寶君乃萬道之祖故爲大洞之尊神也天者以立爲義取其自然故以天名寶者至貴之稱君者至尊之號謂爲羣生之所尊貴也不曰洞真尊神而曰大洞者乃三洞未分總爲大洞如二儀未判謂之混沌也尊神言其主也蓋高而無至仰之曰尊炁母混成不測爲神此合理炁而言也又稱丈人者是炁之主宰而最尊最先者也

丈人是混沌太無元高上玉皇之炁九萬九千九百九十億萬炁後至龍漢元年化生天寶君出書時號高上大有玉清宮

混沌太無元者混以不分爲義洞以虛通爲義太以極大爲

道藏輯要

九天生神玉經

二

房集一
X60X

義無以真空爲義此明大道之本體渾淪洞徹先天地生而實無形體之可卽故曰混沌太無也然專曰混沌而不曰太無則混沌幾淪於一物而不足爲天地萬物之宗本專言太無而不言混沌則太無反淪於空寂而不足爲陰陽萬化之樞紐通謂之元則統之有宗而乃所以爲發生之本也高上玉皇之炁者三寶本地俱出言名之表故通稱爲上然尋跡取本玉清最高故加稱高上也皇者光大之名玉者含潤之德明此妙本雖復靈絕空無而有光大含潤之德是炁之祖至尊至貴而理之所寓也九萬九千九百九十億萬炁者乃混沌之先未有歲數可紀故但以炁言數積至此然後龍漢

劫開九乃陽數經云積陽成天是也龍漢元年化生天寶君者龍漢乃始劫之名屬東方天境元年是初時之號亦非如今世之年數也所謂化生者乃有而無形無而有精非由形生故稱爲化如洞神經云妙像無形應感有體真精妙炁化成姿容是也後二同說此乃無象之象非狀之狀惟道爲身不屬空有矣出書時者卽龍漢劫初之時出洞真十二部之書也且當是之時人物未兆何由出書殊不知是書之文是炁之所結也纔有是炁便具是書而炁之所以然者皆書之理也高上大有玉清宮乃天寶君之治所也

靈寶君者則洞玄之尊神靈寶丈人則靈寶君之祖炁也

道藏輯要

九天生神玉經

三

房集一

此靈寶君爲洞玄教主諸義見前

丈人是赤混太無元玄上玉虛之炁九萬九千九百九十九萬炁

赤者南方之色此言色相之明煥也亦是將顯赤書之象然雖有色而未分故曰赤混旣言赤混則可名於有又言太無則可名於無今合而言之蓋表真空妙有混然無間乃所以爲萬化之元也度人經云混洞赤文無無上真亦此意也上玉義見前虛者體本空洞全具上玉之德理雖存焉然非實有形器常曰虛通之謂也

後至龍漢開圖化生靈寶君經一劫至赤明元年出書度人時

號上清玄都玉京七寶紫微宮

前曰龍漢元年化生天寶君此曰龍漢開圖化生靈寶君者蓋元年乃初劫也謂之開圖乃化元顯發文彩已露而靈寶君生於是時也赤明乃第二劫名屬南方天境經一劫者龍漢劫也是靈寶君生於龍漢之中而出書於赤明之初也加度人二字者蓋靈寶君實爲傳教度人之祖立都玉京七寶紫微宮乃靈寶君所治之宮亦藏經之所也

神寶君者則洞神之尊神神寶丈人則神寶君之祖炁也丈人是冥寂玄通元上玉虛之炁九萬九千九百九十萬炁後至赤明元年化生神寶君經二劫至上皇元年出書時號三皇洞神

道藏輯要

九天生神玉經

四

房集一

太清太極宮

神者變化不測超然無累之義

實君之說同前

洞神教主則神寶其

跡也冥寂玄通元上玉虛之炁其本也冥言窮漠寂謂恬夷

玄乃不滯通即無壅此明妙本雖冥漠四絕湛寂恬夷而常

通不壅迥然無滯也

餘義同前

通稱元者以其均爲萬善之宗長

萬化之本始也然此三者前之兩元同稱太無後之兩炁同

稱玉虛是中之元本乎上而下之炁本乎中故中之元與炁

特兼二者豈非所以逗一脈之流通而無間歟至赤明元年

化生神寶君經二劫至上皇元年出書時號三皇洞神太清

太極宮蓋經龍漢赤明爲二劫而上皇乃中央劫名當洞神

教主下化三皇洞神太清太極宮卽其所都之號也詳觀三元所積之炁其數各有差等自上元至中元所減之數已迴不同等而下之愈不逮前可見運度漸促猶人之一身少而壯壯而老也歟

此三號雖年殊號異本同一也分爲玄元始三炁而治三寶皆三炁之尊神號生三炁三號合生九炁

自無而有有亦強名從一而三三不離一雖三元之號異本一致以同歸謂之年殊則龍漢赤明上皇之分謂之號異則玉清上清太清之別然實本於元始之祖炁而總於洞真之上道故云本同一也當其迎之不見其首隨之不見其後獨

道藏輯要

九天生神玉經

五

房集一

非體之至妙者乎及乎號之以年名之以炁豈非跡之可名者乎然跡未嘗離體而體亦未嘗異迹也分爲玄元始三炁而治或依七籤混沌篇云一炁分爲玄元始三炁而理三寶遂以治三寶爲句未穩上云此三號而下云本同一也是攝三而一又云分爲三炁者乃卽一而三也三天正法經云始炁青青炁精澄曰清微天元炁白白炁精澄曰禹餘天玄炁黃黃炁精澄曰大赤天三炁俱生空洞之中自一分三以統三天之治然後導運御世也三寶者卽天寶靈寶神寶也是爲炁中之主宰故曰尊神三炁卽玄元始也號生三炁乃每號又各生三炁故三號合生九炁正法經云三天旣立始炁

生混沌炁蒼蒼炁精澄生鬱單無量天混炁生洞洞炁赤生
無量壽天洞炁生皓皓炁蒼生梵監須延天元炁生昊或作旻
昊炁綠生兜術天昊炁生景景炁黃生不驕樂天景炁生遁
遁炁白生化應聲天玄炁生融融炁紫生梵輔天融炁生炎
炎炁碧生清明天炎炁生演演炁黑生無想天九炁並生於
上三炁之中與上炁相去各九億萬劫也其在人身則三炁
三寶乃元神元炁元精也居人三丹田而分鎮九宮也
九炁出乎太空之先隱乎空洞之中無光無象無形無名無色
無緒無音無聲

消魔真經守一品云一日始無是爲玉清二日元洞是爲上

道藏輯要

九天生神玉經

六

房集一
卷之二

清三曰玄空是爲太清則是出乎太空之先乃原於始無未
見炁者所謂元神是也隱乎空洞之中乃合元洞玄空而言
所謂元炁元精是也當是時也視之而不見聽之而不聞所
以無光無象無形無名無色無緒無音無聲蓋卽其始而觀
之則沖漠無朕初無聲臭之可求然而陰陽動靜之理莫不
悉具於其中此其所以爲導運御世之本也

導運御世開闢玄通三色混沌乍存乍亡運推數極三炁開光
上章贊○炁清高澄積陽成天炁結凝津積滯成地
本宣化

道者啟迪也御者宰制也若有使之然者此乃樞紐玄運紀
綱造化而二儀以之開闢三炁以之變通者也三色則青白

黃也三炁則始元立也當其三色冥一混沌沌將分未分乍存乍亡或離或合倏有倏無亨毒既久運愈推移數亦隨之數既滿足炁乃開光炁之輕清者屬陽故浮於上而高澄積而為天炁之重濁者屬陰故滯於下而凝滓積而為地自三炁開光乃至成天成地皆其序也

九炁列正日月星宿陰陽五行人民品物並受生成

上章分辨儀象立奠

才三

此言九炁為萬物之根卽經中所稱者是也正法經云三三化生以至九元是也列則整然而有序也正則貞固而不邪也蓋混然之中燦然倫理不相假借不相侵奪此統之有宗

道藏輯要

九天生神玉經

七

房集一
入川上

而會之有元故也曰者太陽之精月者太陰之精星者按星經序云星者體生於地精發於天宿者列星也陰陽者元炁之動靜屈伸而陰陽分焉五行者質具於地而炁行於天以質而言其生之序則水火木金土也以炁而言其行之序則木火土金水也乃至人民之眾品類之繁亦莫非由九炁列正而後生成也

天地萬化自非三元所育九炁所導莫能生也三炁為天地之尊九炁為萬物之根故三合成德天地之極也

上章言攝跡崇本

育者慈養之謂也導者推運之謂也神鬼神帝生天生地非三元所育不能也品物流行各正性命非九炁所導不能也

此其所以紀綱造化流行古今而爲天地之尊萬物之根也
三合成德天地之極也者乃三而九九而三復歸于一也正
法經所謂從九反一乃入道真是也蓋卽其造化發育之本
而推之則知三元之實德渾然一體冲漠無朕卓然立極於
天地之先而爲天地萬化之準則故其所以賦與萬物各各
無欠無餘所謂降衷是也

人之受生於胞胎之中三元育養九炁結形故九月神布炁滿
能聲聲尙神具九天稱慶太乙執符帝君品命主錄勒籍司命
定算五帝監生聖母衛房天神地祇三界備守九天司馬在庭
東向讀九天生神寶章九過男則萬神唱恭女則萬神唱奉男

道藏輯要

九天生神玉經

八

房集一
八上川

則司命敬諾女則司命敬順於是而生九天司馬不下命章萬
神不唱恭諾終不生也

上章言人貫三
才重生緣會

三炁爲天地之尊九炁爲萬物之根惟人生於胞胎之中兼
天地萬物之稟受所以最靈而獨貴爲天地之心也三元育
養卽生育天地而爲天地之主宰者人得之以爲性乃秉彝
之善也九炁結形卽運行兩間賦與萬物而爲萬物宗本者
人得其正以爲體乃結形之資也九月數足九天之炁盡降
神者寓於是炁而混融無間故炁滿而神亦周布於一身矣
聲又其神炁之激發者也尙取也具全也謂能聲取其神具
也九天稱慶者蓋天以生物爲心故九天之帝因其炁之無

天闕而得遂成人則贊而喜之也太一執符者太丹隱書云
太一公子白元司命桃康五神上入紫房各奉青玉案上有
五符次呈帝君此言太一執符者乃五神則太一爲首也故
大洞玉經云太一神夫子左執兆符籍蓋太一乃反胎始形
之神也名曰務猶收人之初生執符而混合萬神也既生則
守人玉枕之下泥丸後戶帝君品命主錄勒籍者帝君逢或作
字絳凌梵一名七靈一名神丈人品定命分之高下人既生矣
則守兩眉中間紫戶之外宮主錄卽司錄君也勒籍謂勒其
命籍也司命定算者卽中央司命丈人若名理明初定其算
也形生之後則守人絳宮心房之中血孔之戶五帝監生者
道藏輯要

九天生神玉經

九

房集一

卽五方之帝也青帝彫梁際赤帝長來覺白帝彭或作彰字安幸

黑帝保成昌黃帝林虛夫或作含光露同監人之生也聖母衛房

者卽九天聖母司其生成故衛其房室也天神地祇三界備
守在天曰神以其陰陽不測故也在地曰祇以其隤然示人
故也三界卽上中下天地水三界之神齊備衛守謂莫不敬
護也九天司馬卽總仙大司馬長生法師栢成歛生也庭者
中央之位東乃生炁之方九過者章數足也男則唱恭而敬
諾尊而稱慶之意女則唱奉而敬順悅而順承之意此尊卑
貴賤所以分也命章卽九章也所謂不下命章則終不生者
蓋逆順吉凶生死一機而已故反是則不能生矣

○以上神名出三天君列紀

夫人得還生於人道濯形太陽驚天駭地貴亦難勝天真地神三界齊臨亦不輕也當生之時亦不爲陋也

所謂還生者蓋天理混然人所固有得之則生失之則死故生於人道則天理復還矣濯形太陽者離至陰而沐至陽也蜀註云纔得人身必詣南丹火鍊池中滌以黃華之水然後投胎就舍方得成人不曰黃華而曰太陽者黃華者陽之精在日之上館一名洞陽宮中有流火之池池中有黃華真水其間天人常以此水濯濯形容也併存于此○夫人之神與三寶合德炁與九天同根頭足象天地七竅應三光三才相通其機一也宜乎驚天駭地貴亦難勝三界齊臨亦不輕也當生之時亦不爲陋也然則爲人可不自貴乎哉

道藏輯要

九天生神玉經

十

房集一
又又川

所以能愛其形保其神貴其炁固其根終不死壞而得神仙骨肉同飛上登三清是與三炁合德九炁齊并也但人得生而自不能尊其炁貴其形寶其命愛其神自取死壞離其本真耳章上乃贊重勸修

且夫人之形象天而法地應三才而具五行血氣之所營聰明之所託其可不愛之乎然形非徒形必有使形者存焉是以又當保其神也南華經云純粹而不雜靜一而不變淡而無爲動而以天行此養神之道貴其炁者晉之而不敢妄用

也固其根者守之而不離其本也故云守中抱一與天相畢此終不死壞之義也夫如是則始於愛形而終於踐形始於保神而終於窮神然後乘雲炁而遊太清是與三炁合德九炁齊并也其或反是則幾何不壞滅而離其本真哉蓋自取之耳○自三號至此分爲五章

九天生神章乃三洞飛玄之炁三合成音結成靈文混合百神

隱韻內名生炁結形自然之章

上章乃資自然體全用具

此申言生神章之文乃合三洞飛玄之炁結而成音故曰三合成音結成靈文其中混合百神隱韻內名而有生炁結形之功用也隱韻乃諸天之隱韻也內名乃萬神之內名也

道藏輯要

九天生神玉經

士

房集一

天寶誦之以開天地之光靈寶誦之以開九幽長夜之魂神寶誦之以制萬靈太一誦之以具身神帝君誦之以結形九天誦之以生人

上章乃言誦章功德立應隨量

學士誦之以昇天

天寶君應化於龍漢之初當是時也上無復色下無復淵溟滓大梵寥廓無光天寶以自然之章開而闢之則上下列位天地開光也靈寶君應化於龍漢開圖乃爲度人之祖故以開九幽長夜之魂也神寶君應化於赤明元年實爲萬神之主故云以制萬靈制謂總御之也太一卽務猷收乃眾神之尊故誦之則具足身中之神也帝君卽逢凌梵也結形乃結炁成形也九天卽九天之帝也以上蓋言誦章之功利他之

行也夫誦與聞對誦則施其惠聞則受其惠而學士居六對之間乃自利者也及其成功則利他矣雖隨其所用而功各不同然實一道也

鬼靈聞之以昇遷凡夫聞之以長存幽魂聞之以開度枯朽聞之以發烟嬰孩聞之以能言死骸聞之以還人上章乃言羣品皈依應量自利發烟猶煖氣上蒸將以生物烟乃融和之氣也大洞經云七玄更起沉景生烟是也

三寶神與萬品生根故非鬼神所知凡夫所聞也

上章乃言歸本返寂

神者妙萬化而不測奧者隱至理而難知其所以爲萬品之生根者至玄至妙非鬼神所知凡夫所聞根猶草木之根人

道藏輯要

九天生神玉經

三

房集一

所不見而實爲長茂之本也然上文旣言鬼靈聞之以昇遷凡夫聞之以長存而此又云非鬼神凡夫所知聞何哉蓋上言九章玄功乃道用之至著者也而此論三寶神奧乃道體之至微者也○自九天生神章至此分爲四章

夫學上道希慕神仙及得尸解滅度轉輪終歸仙道形與神同不相遠離俱入道真

八素真經云太上道三上真道七中真道六下真道八而九章乃大洞之門戶洞經在上真道中之第五品故曰上道也尸解者則五解之類也滅度轉輪者如度人經所謂末學道淺仙品未充運應滅度又云轉輪不滅便得神仙是也所謂

學與希慕皆求而未至者之事故或得尸解滅度轉輪然苟有是志而學之不已終亦必歸於仙道故得形與神同不相遠離而皆入於道真矣凡爲學之功必至於道真然後爲極地然欲至道真則又非此文不可也

而無此文則胞胎結滯死炁固根真景不守生炁無津九戶闔塞體不生神徒受一形若寄炁而行學得此法可坐致自然軀

言贊勸齊舉

夫人生胞胎之中皆稟九天之炁凝而成人既生而胞中有十二結節盤固五內五內滯悶結不可解節不可滅故人之病由於節滯人之命絕由於結固也青靈陽安元君道經云

道藏輯要

九天生神玉經

三

房集一

五藏百結生於萬疾玄一林虛開關解結結絕病散神精盈溢仙道曰臻死道曰絕求於大洞每章皆有此意蓋胎根不斷則難追輪迴結節不解則無由生炁此乃生神之要訣修真之先務也徒受一形若寄炁而行者謂雖有此身不知生神之道何異行尸苟知此文而坐進此道則混合百神化爲帝一入無出有舞輪空玄坐致自然信不誣矣

三寶尊重九天至真秘之大有九重金格紫陽玉臺自非天地一開其文不出元始禁書非鬼神所聞竊之者風刀萬劫魂死無生依科遵奉形神同仙

上章乃言祕重尊奉

生神經乃三寶尊重之文九天至真之訓祕於大有之宮五

老王檢云大有者九天之紫宮九重緘鐫之深也格則几案之類臺則安經之所自非龍漢開圖神王冒禁懇請則此文豈得而見之宜乎竊之者獲罪遵奉者神仙按大洞雌一經載太上科令云傳受天書而殃鍾其祖先是重其宣言之罪防其泄漏之盟耳又按黑錄上篇載水火官外又有風刀左右二官左風考官主治受經符寶訣無盟修行貪財自鬻將損天科之罪右刀考官治伏誓告盟背違師友評論善惡攻伐根本莫大之罪也由是觀之則竊之者當戒而遵奉者勉焉

三元宮中宿有金名紫字刻書來生應爲三清神仙之人當得

道藏輯要

九天生神玉經

古

房集一
XXXX

此文有其緣會當齋金寶奉師效心依科盟受閉心奉行慎勿

輕泄風刀考身

上章乃勉宿善戒輕傳

三元宮卽三清宮也五老玉檢云昔隱禁此書世無知焉惟太玄有金閣玉名瓊札紫簡三元有併晨隱錄丹臺有黃字之文將是當來必爲真人者乃得受之耳既有受經之因緣時會又當齋金寶奉師效心依科盟受既受之後所謂閉心奉行者乃默默而行也風刀義見前

修行之法千日長齋不關人事諸塵漏盡夷心默念清香執戒

入室東向扣齒九通調聲正炁誦誦寶章

上章言捨事入道澄心契元

按虛皇四十九章經云齋戒者道之根本法之津梁子欲學

道清齋奉戒念念正真邪妄自泯夫清齋者心齋也南華真經云若一志無聽之以耳而聽之以心無聽之以心而聽之以炁聽止於耳心止於符炁也者虛而待物也唯道集虛虛者心齋也故嚴君平云虛心以原道德靜炁以期神明而陸脩靜齋集亦云夫人體非聖真而處身五濁三尸強盛內生攻賊九竅四關各有所趣施爲之間動入死地故設科教儀範之文以齊其外著注念凝神之法以正其心復以胎元鍊炁之方制其食味祈真朝謝之品滌其過尤然後趨於學不學之徒臻乎冥寂栖於損之又損之府契乎無爲則邪譎之關鍵不開鎮靜之純和可致蓋人業習深重難遽合道使之

道藏輯要

九天生神玉經

五

房集一
X118

因齋以屏緣息心而契道故須千日長齋不關人事則心專而其功久且熟矣乃得諸根塵漏自然淨盡大抵人之一心儻非妙悟則不能當體澄寂故云心無天遊則六鑿相攘是以一真之元未免隨諸根而散漏今既諸塵消盡則心自夷而念自默矣夷心者坦然平夷默念者寂然無念也然後清香執戒清香取薰和炁茲冥通真達聖清以表其心之清香以表其德之馨也戒者檢身律已止過防非之謂也執者實而持之之謂也夫既能夷心默念則一真澄湛萬法悉空乃深造乎不持不犯之妙又何以執戒爲哉雖然唯聖罔念作狂苟不如是則澄治之功疎矣故必靜存之體先立然後動

察之用自然昭著也入室東向者取其炁也叩齒九通者集眾神也九者陽數也高上寶書神明經云叩齒之法左爲天鐘右爲天磬中爲天鼓若去卻不祥則鳴天鐘制伏邪惡當鳴天磬若存思集神念道至真當鳴天鼓要閉口緩頰使聲虛而響應深也登真隱訣云齒者膽神之外扞胃神之威力坎神之英華也豈非以外扞而去不祥以威力而制邪惡以英華而感至真乎然後調聲正炁誦詠寶章夫聲旣調則知其炁已正蓋發見於外者如此故曰心和則炁和炁和則形和形和則聲和聲和則天地之和應矣隱註訣曰誦經至五百言則叩齒三通以舌舐上下唇咽液三過令人炁不極而

道藏輯要

九天生神玉經

六

房集一
××上

聲清也經中此一節蓋指人入道之要法學者宜盡心焉豈直口誦而已哉

誦之一過聲聞九天誦之二過天地設恭誦之三過三界禮房誦之四過天王降仙誦之五過五帝朝真誦之六過魔王束身誦之七過星宿停關誦之八過幽夜光明誦之九過諸天下臨一切神靈莫不衛軒

能依前文修行之法故誦章之應如此且以兩儀言之一爲陽儀爲天故一過聲聞九天二爲陰儀爲地故二過天地設恭也後文云二過響地此本專言地以前一過方聲聞九天至此則天神地祇並設恭矣故兼言之如度人經所謂天地

設禮是也三過表三才之既立故合三界神靈莫不敬禮其房也四過天王降仙四過以應四象則東方蒼天南方丹天西方素天北方玄天四天王各會集神仙來降其所五過五帝朝真五過應五行故五方之帝各總真以來朝猶護魂侍魄之意六過魔王束身六乃太陰之數蓋六天魔王乃六天故炁也其力量與天齊同元始布化其魔並生干試學者初歷小魔後歷大魔試之已過方乃保舉上登仙品今於六過乃六陰數極之時魔威盛大而我以六過之功足以伏之且使之歛束身首不敢妄干其功勝矣七過星宿停關蓋七過應七星象人之七竅今云停關亦如度人經所謂一時停

道藏輯要

九天生神玉經

七

房集一

輪之義八過幽夜光明蓋八乃少陰數也幽夜陰所也今乃乘陽炁而光明矣九過諸天下臨一切神靈莫不衛軒九過功德既備則其所感有不期然而然者蓋諸天莫非九天之炁所化而生一切神靈亦不能外是炁而有所以莫不翕然而來衛也

過徹天胞原宣通

三才一理本自貫通是以一過應一元故云徹天胞原由之而宣通且天一生水在人爲精內觀經云一月爲胞精血凝也乃由元一黃演之炁而爲之生端其炁升降不失其度則生理昌矣

過響地胎結解根

二過應二儀故前文兼言天地設恭也聲發響應陽唱陰和
天一地二其序然也二過響地則胎結因之而解根蓋胎根
係於地故也夫地二生火在人爲神形兆則神有所寓內觀
經云二月爲胎形兆胚也然胎既兆則有故根爲之結矣必
得洞冥紫戶之炁以滋之而爲之斬根斷死尸照頤養嬰童
則胎根之結解矣

三過神禮魂門練仙

練與鍊同古
字通用後同

三過應三才蓋天三生木在人爲魂內觀經云三月陽神爲
三魂動以生也必得長靈明仙之炁以總統三雲則魂門練

道藏輯要

九天元神玉經

大

房集一
川上卷

仙矣

四過天王降仙魄戶閉關

四過應四象上應四天蓋地四生金在人爲魄內觀經云四
月陰神爲七魄靜鎮形也必得碭尸冥演由之炁以滋之則
神公攝遊炁而練素華矣所謂閉關乃閉其死炁之關以杜
外邪存生炁也

五過五帝朝真藏腑清涼

五過應五行五帝則五方五炁之主宰者也蓋天五生土人
生五月五藏乃分脾土之數始足見於內爲藏於外爲肉內
觀經云五月五行分五藏以安神也故必五藏全具然後五

帝朝真也此皆五仙中靈之炁以練元藏腑則紫戶生仙矣
腑者五藏之配也爲受盛之府也如小腸爲心府大腸爲肺
府膽爲肝府胃爲脾府膀胱爲腎府三焦爲命門府是也
六過魔王伏諾胃管生津

六過應六律功用至此可以制六陰之魔故六天魔王皆伏
而敬於心諾而順於辭也夫六者水之成數故以津言內觀
經云六月六律定六府用滋靈也是必得高真沖融之炁以
滋之則斬伐胞樹滯心遊超上京矣且府之名有六而獨言
胃何也蓋胃屬土爲五行之主可以總括五行以四時言之
每季土旺一十八日以五行言之則非土不成故也若以藏
府之配於十干言之如甲乙爲木肝膽當之丙丁爲火心與
小腸當之戊己屬土脾胃當之庚辛爲金肺與大腸當之壬
癸爲水腎與膀胱當之則胃之位適當其六矣水得土則止
故胃爲承津之所也

七過星宿朗明孔竅開聰

七過應七星在人爲七竅七者火之成數火能照物故應星
宿之光內觀經云七月七星開七竅通光明也是得高仙洞
笈之炁以滋之而開也章云七誦重關開是也

八過幽夜顯光三部八景整具形神

八過應八卦在人爲八景八者木之成數木性慈仁位應東

道藏輯要

九天生神玉經

九

房集一

方出震之地主陽明之生炁萬類田之而發生乃幽夜光明之象故人之受生自一炁爲祖而分三元於三部三田之中一元各具八景共爲二十四真故上部八景泥丸爲君中部八景神主絳宮下部八景其神關元內觀經云八月八景神具降真靈也良由真靈化凝之炁有以滋之故形神整具而高遊無終敗矣按七籤解結法及迴元經云上部八景腦神覺元子字道都髮神玄文華字道衡皮膚神通眾仲字道連目神虛監生字道童頂髓神靈謨蓋字道周脊神益歷輔字道柱鼻神冲龍玉字道微舌神始梁峙字道岐中部八景喉神百流放字道通肺神素靈生字道平心神煥陽昌字道明

道藏輯要

九天生神玉經

下

房集一

肝神開君童字道青膽神龍德拘字道放左腎神春元真字道卿右腎神象地無字道生脾神寶元全字道騫下部八景胃神同朱育朱一作來字道展窮腸中神兆滕康字道還大小腸神蓬送留字道廚胷中神受享勃字道靈胷膈神廣瑛宅字道仲兩脅神辟假馬字道成左陰右陽中神扶流起字道圭右陰左陽中神苞表明字道生

九過諸天下臨三關五藏六腑九宮金樓玉室十二重門紫戶

玉閣三萬六千關節根源本始一時生神上章言如法行道功德等漸

九過應九天故諸天下臨以合人之九宮九者金之成數物成則堅定屬金四序亦以秋爲成物之時也內觀經云九月

宮室羅布以定精也惟其德用既備故名其天曰無想無結無愛天而號其炁曰自然玄照之炁也三關者上玉京關中夾脊雙關下尾閭關是也五藏者心肝脾肺腎也六腑者大腸爲尙書府小腸爲元陽府膽爲蘭臺府膀胱爲太和府胃爲太素府三焦爲無極府也九宮者兩眉間入三分爲雙田宮卻入二寸爲明堂宮三寸爲丹田宮亦名泥丸宮四寸爲流珠宮五寸爲帝一宮明堂上一寸爲天庭宮洞房上一寸爲極真宮丹田上一寸爲玄丹宮流珠上一寸爲太皇宮而五藏亦有九宮也金樓則重樓也玉室者腦之別名也十二重門者黃庭經云重中樓闕十二環註云喉嚨十二重也紫

道藏輯要

九天生神玉經

三

房集一
X11

戶者素靈中篇云兩眉之上其裏有紫戶玉閣者黃庭謂之玉堂亦名玉閣也所謂三萬六千關節根元本始一時生神者蓋形體則漸成惟神無方體炁足則神具非由次第而有故云一時生神也九丹精中記云天神一萬八千身神一萬八千共三萬六千神神炁具足於是而生以上九過之應不惟顯生人之理學士聖胎其道一也

九過爲一遍一遍周竟三界舉名五帝友別稱爲真人十遍通炁制御萬靈魔王保舉列上諸天百遍通神坐致自然太一度符元君受生千遍通靈坐在立亡仙童玉女役使東西萬遍道備馳騁龍駕白日登晨

上章乃序効階
差終致極果

一章爲一過九過而生神備足乃一炁通變自然而然也一
遍周竟三界舉名五帝友別稱爲真人如三洞珠囊云天真
盼降見授大經上仙之道誦而學之遂成真人友者與五常
爲儔侶也別者序其階差也十遍則是十倍其功乃可制御
萬靈百遍通神坐致自然太一度符元君受生其功又優故
能坐致自然如六甲致行廚之類太一度以五符元君受其
生籍也千遍通靈坐在立亡仙童玉女役使東西者如太上
四極真人曰六炁順運於十方六甲周行於幽冥隱化無方
上補天真飛虛駕景玉女執巾萬神奉衛真人造房是也夫
總行上真之道則給玉童玉女各三千人前導鳳歌後從玄

道藏輯要

九天生神玉經

三

房集一
卷上

鈞也萬遍道備馳騁龍駕白日登晨者雌一玉檢云於是五
老翼軒八風扇羽神電前驅玉華扶轂乘雲駕龍白日昇天
故黃庭經亦云羽服一整八風驅控駕三素乘晨霞是也或
者以寶章應感之功經中其言甚著而誦者如牛毛得者如
麟角遂以迂遠目之甚至訕笑而慢侮之是可憫也道德經
云杳兮冥兮其中有精其精甚真其中有信信不足有不信
夫所謂精者潛天而天潛地而地在人而人在物而物天地
人物聖真鬼神同此精也况夫人之一身法天象地備具萬
物獨貴而最靈故其感通而甚易昔之忠臣孝子動天地感
鬼神載之史冊者不可勝紀彼特一時精誠之至其應猶爾

而況千日長齋不關人事諸塵漏盡夷心默念純乎其天者
歟嗚呼吾於安而行之者不可得而見矣利而行之者萬未
一二勉強而行之者千無二三矧夫疑信半之念慮雜之好
惡賊之嗜欲汨之人事累之其在我者何如也而可以咎聖
經之不驗乎古之人以修誦而得神仙如魏紫虛李順興司
馬子微之類多矣今學經之士縱未絕緣離世苟能金石其
志背塵合真至心受誦久久不已必階仙品無疑也然苟信
不足則有不信矣勉之哉勉之哉○自夫學上道至此分六
章